

DVX SERENISSIME

DOMINE INDVLGENTISSIME!

Omnium ore et laudibus celebratur, DVX SERENISSIME, incredibile illud TVVM studium, quo cum litteras artesque omnes, tum sacras maxime iam a multis inde annis colere et amplecti consueuisti. Iam equidem cum hunc epistolarum D. Pauli codicem manu scriptum sumtibus meis editurus, diu mecum reputassem, cuius potissimum praesidio et auctoritate munitum in lucem emitterem, non visus est mihi vllius nomine magis commendari posse et illustrari, quam PRINCIPIS ILLIVS, qui cum ceteris, quae Principem Optimum ornant virtutibus, immortalem gloriam est consecutus, tum vero hanc SIBI laudem habet prorsus peculiarem, quod studio biblico augendo et adiuvando omnem operam mentemque dicavit. Ad TE igitur, DVX SERENISSIME, delegare ausus sum librum huncce, insignis criticae noui foederis adiumentum; primum quidem ipso audaciae meae ac temeritatis sensu grauiissimo deterritus, at mox insigni illa facilitate et clementia TVA excitatus, quae vel tenuissima munuscula, praesertim, quae ad rem litterariam ornandam faciunt, benignissime accipere consue-

confue-